

**Prijedlog**

Na osnovu člana 5. Zakona o izmjeni dopuni Zakona o osnivanju Javnog preduzeća „Međunarodni aerodrom Tuzla“ („Službene novine Tuzlanskog kantona“, broj: 9/15), člana \_\_\_\_\_ Zakona o Vladi Tuzlanskog kantona („Službene novine Tuzlanskog kantona“, broj \_\_\_\_\_) i člana \_\_\_\_\_ Poslovnika Tuzlanskog kantona („Službene novine Tuzlanskog kantona“, broj: \_\_\_\_\_), Zakonodavno-pravna komisija Skupštine Tuzlanskog kantona, na sjednici od \_\_\_\_\_.2017.godine, utvrdila je prečišćeni tekst Zakona o Vladi Tuzlanskog kantona.

Prečišćeni tekst Zakona o osnivanju Javnog preduzeća „Međunarodni aerodrom Tuzla“ sadrži: Zakon o osnivanju Javnog preduzeća „Međunarodni aerodrom Tuzla“ („Službene novine Tuzlanskog kantona“, broj 1/98), Zakon o izmjenama i dopunama Zakona o osnivanju Javnog preduzeća „Međunarodni aerodrom Tuzla“ („Službene novine Tuzlanskog kantona“, broj: 6/98), Zakon o izmjenama i dopunama Zakona o osnivanju Javnog preduzeća „Međunarodni aerodrom Tuzla“ („Službene novine Tuzlanskog kantona“, broj 11/05), Zakon o izmjenama i dopunama Zakona o osnivanju Javnog preduzeća „Međunarodni aerodrom Tuzla“ („Službene novine Tuzlanskog kantona“, broj: 9/10) i Zakon o izmjenama i dopunama Zakona o osnivanju Javnog preduzeća „Međunarodni aerodrom Tuzla“ („Službene novine Tuzlanskog kantona“, broj: 9/12), Zakon o izmjeni i dopuni Zakona o osnivanju Javnog preduzeća „Međunarodni aerodrom Tuzla“ („Službene novine Tuzlanskog kantona“, broj: 9/15) u kojima je označen dan stupanja na snagu tih zakona.

**ZAKON  
O OSNIVANJU JAVNOG PREDUZEĆA  
“MEĐUNARODI AERODROM TUZLA”  
(Prečišćeni tekst)**

**I. OSNOVNE ODREDBE**

**Član 1.**

Radi pružanja usluga vezanih za funkcije Aerodroma u Tuzli, i vršenja drugih pratećih djelatnosti osniva se Javno preduzeće “Međunarodni aerodrom Tuzla” društvo sa ograničenom odgovornošću (u daljem tekstu: Preduzeće), čija je djelatnost od posebnog interesa za Tuzlanski kanton (u daljem tekstu: Kanton).

Javno preduzeće posluje sredstvima u državnoj svojini.

**Član 2.**

Javno preduzeće se organizuje kao društvo sa ograničenom odgovornošću. Preduzeće ima svojstvo pravne osobe.

Osnivač Preduzeća je Skupština Tuzlanskog kantona (u daljem tekstu: Skupština Kantona).

**Član 3.**

Javno preduzeće posluje pod nazivom Javno preduzeće “Međunarodni aerodrom Tuzla”, društvo sa ograničenom odgovornošću.

Skraćeni naziv preduzeća je: JP Međunarodni aerodrom Tuzla, d.o.o.

Naziv Javnog preduzeća na engleskom jeziku glasi: Tuzla Internacional Airport Dubrave.

Sjedište preduzeća je u naselju Gornje Dubrave - općina Živinice.

#### Član 4.

Javno preduzeće odgovara za svoje obaveze cjelokupnom svojom imovinom.

#### Član 5.

Preduzeće ima pečat.

Oblik i sadržaj pečata utvrdit će se statutom Preduzeća.

#### Član 6.

Djelatnost Preduzeća je:

- 37.00 – Uklanjanje otpadnih voda,
- 38.11 – Skupljanje neopasnog otpada,
- 38.12 – Skupljanje opasnog otpada,
- 38.21 – Obrada i zbrinjavanje neopasnog otpada,
- 45.31 – Trgovina na veliko dijelovima i priborom za motorna vozila,
- 45.32 – Trgovina na malo dijelovima i priborom za motorna vozila,
- 46.71 – Trgovina na veliko krutim, tekućim i plinovitim gorivima i srodnim proizvodima,
- 46.75 – Trgovina na veliko hemijskim proizvodima,
- 46.76 – Trgovina na veliko ostalim poluproizvodima,
- 47.11 – Trgovina na malo u nespecijaliziranim prodavaonicama pretežno hranom, pićima i duhanskim proizvodima,
- 47.19 – Ostala trgovina na malo u nespecijalizovanim prodavnicama,
- 47.21 – Trgovina na malo voćem i povrćem u specijalizovanim prodavnicama,
- 47.29 – Ostala trgovina na malo prehrambenim proizvodima u nespecijalizovanim prodavnicama,
- 47.30 – Trgovina na malo motornim gorivima u specijalizovanim prodavnicama,
- 47.41 – Trgovina na malo računalima, perifernim jedinicama i softverom u specijalizovanim prodavnicama,
- 47.42 – Trgovina na malo telekomunikacijskom opremom u specijalizovanim prodavnicama,
- 47.43 – Trgovina na malo audio i video opremom u specijalizovanim prodavnicama,
- 47.51 – Trgovina na malo tekstilom u specijalizovanim prodavnicama,
- 47.52 – Trgovina na malo metalnom robom, bojama i staklom u specijalizovanim prodavnicama,
- 47.53 – Trgovina na malo sagovima i prostiračima za pod, zidnim i podnima oblogama u specijalizovanim prodavnicama,
- 47.54 – Trgovina na malo električnim aparatima za kućanstvo u specijalizovanim prodavnicama,
- 47.59 – Trgovina na malo namještajem, opremom za rasvjetu i ostalim proizvodima za kućanstvo u specijalizovanim prodavnicama,
- 47.61 – Trgovina na malo knjigama u specijalizovanim prodavnicama,
- 47.62 – Trgovina na malo novinama, papirnatom robom i pisaćim priborom u specijalizovanim prodavnicama,
- 47.63 – Trgovina na malo glazbenim i videozapisima u specijalizovanim prodavnicama,
- 47.64 – Trgovina na malo sportskom opremom u specijalizovanim prodavnicama,
- 47.65 – Trgovina na malo igrama i igračkama u specijalizovanim prodavnicama,
- 47.71 – Trgovina na malo odjećom u specijalizovanim prodavnicama,
- 47.72 – Trgovina na malo obućom i proizvodima od kože u specijalizovanim prodavnicama,
- 47.75 – Trgovina na malo kozmetičkim i toaletnim proizvodima u specijalizovanim prodavnicama,

- 47.76 – Trgovina na malo cvijećem, sadnicama, sjemenjem, gnojivom, kućnim ljubimcima i hranom za kućne ljubimce u specijalizovanim prodavnicama,
- 47.77 – Trgovina na malo satovima i nakitom u specijalizovanim prodavnicama,
- 47.78 – Ostala trgovina na malo novom robom u specijalizovanim prodavnicama,
- 47.91 – Trgovina na malo preko pošte ili interneta,
- 47.99 – Ostala trgovina na malo izvan prodavnica, štandova i tržnica,
- 49.31 – Gradski i prigradski kopneni prijevoz putnika
- 49.32 – Taksi služba,
- 49.39 – Ostali kopneni prevoz putnika, d.n.
- 49.41 – Cestovni prevoz robe,
- 49.42 – Usluge preseljenja
- 51.10 – Zračni prevoz putnika,
- 51.21 – Zračni prevoz robe,
- 52.10 – Skladištenje robe,
- 52.21 – Uslužne djelatnosti u vezi sa kopnenim prevozom,
- 52.24 – Prekrcaj tereta,
- 52.23 – Uslužne djelatnosti u vezi sa zračni prevozom,
- 52.29 – Ostale pomoćne djelatnosti u prevozu,
- 56.10 – Djelatnost restorana i ostalih objekata za pripremu i usluživanje hrane,
- 56.21 – Djelatnosti keteringa,
- 56.29 – Ostale djelatnosti pripreme i usluživanja hrane,
- 56.30 – Djelatnost pripreme i usluživanja pića,
- 58.11 – Izdavanje knjiga,
- 58.12 – Izdavanje imenika i popisa korisničkih adresa,
- 58.19 – Ostala izdavačka djelatnost,
- 58.21 – Izdavanje računalnih igara,
- 58.29 – Izdavanje ostalog softvera,
- 62.01 – Računalno programiranje,
- 62.02 – Savjetovanje u vezi s računalima,
- 62.03 – Upravljanje računarskom opremom i sistemom,
- 62.09 – Ostale uslužne djelatnosti u vezi s informacijskom tehnologijom i računalima,
- 63.11 – Obrada podataka, usluge hostinga i djelatnosti povezane s njima,
- 68.20 – Iznajmljivanje i upravljanje vlastitim nekretninama ili nekretninama uzetim u zakup (leasing),
- 71.11 – Arhitektonske djelatnosti,
- 71.12 – Inženjerske djelatnosti i s njima povezano tehničko savjetovanje,
- 73.11 – Agencija za promidžbu (reklamu i propagandu),
- 73.12 – Oglašavanje preko medija,
- 74.20 – Fotografске djelatnosti,
- 74.90 – Ostale stručne, znanstvene i tehničke djelatnosti, d.n.,
- 77.11 – Iznajmljivanje i davanje u zakup (leasing) automobila i motornih vozila lake kategorije,
- 77.12 – Iznajmljivanje i davanje u zakup (leasing) kamiona,
- 77.32 – Iznajmljivanje i davanje u zakup (leasing) strojeva i opreme za građevinarstvo,
- 77.39 – Iznajmljivanje i davanje u zakup (leasing) ostalih strojeva, opreme i materijalnih dobara, d.n.,
- 79.11 – Djelatnosti putničkih agencija,
- 79.12 – Djelatnosti turoperatora,
- 79.90 – Ostale rezervacijske usluge i djelatnosti povezane s njima,
- 82.30 – Organizacija sastanaka i poslovnih sajmova,

84.25 – Djelatnosti vatrogasne službe.»

**Spoljna trgovina:**

- Spoljna trgovina prehrambenim i neprehrambenim proizvodima iz okvira registrovane djelatnosti
- Usluge iz okvira registrovane djelatnosti
- Izvoz i uvoz robe i usluga
- Međunarodni transport robe i putnika
- Posredovanje u prometu roba i usluga
- Zastupanje stranih lica
- Prodaja robe stranog porijekla i robe domaće proizvodnje iz slobodnih carinskih prodavnica
- Usluga međunarodnog transporta robe i putnika
- Međunarodna špedicija, skladištenje, lučke i aerodromske usluge, agencijske usluge u transportu i sl.
- Ugostiteljske i turističke usluge
- Posredovanje u prometu robe i usluga
- Privremeni izvoz i uvoz

## II. SREDSTVA OSNIVAČA

### Član 7.

Sredstva za osnivanje i početak rada Preduzeća čine sredstva osnivača u iznosu od 4.060.101,64 KM (slovima: četirimilionašezdesethiljadastotinujedna i 64/100 konvertibilnih maraka), kao i imovina koja se sastoji od zgrade putničkog terminala, portirnice sa nastrešnicom i parkirališta za automobile.

Sredstva iz predhodnog stava upisuje i uplaćuje Vlada Tuzlanskog kantona (u daljem tekstu: Vlada Kantona).

Troškove registracije i otvaranja računa snosit će Vlada Kantona.

## III. ORGANIZACIJA I ORGANI JAVNOG PREDUZEĆA

### Član 8.

Preduzeće može osnovati poslovne jedinice i predstavništva koje imaju ovlaštenja u pravnom prometu i koje se upisuju u sudski registar (u daljem tekstu: dijelovi Preduzeća).

Dijelovi Preduzeća iz predhodnog stava kao i njihov obim i vrsta odgovornosti za obaveze u pravnom prometu utvrđuju se statutom Preduzeća.

Dijelovi Preduzeća koji imaju određena ovlaštenja u pravnom prometu nemaju svojstvo pravne osobe, a za njihove obaveze odgovara Preduzeće.

### Član 8a.

Organi Javnog preduzeća su :

1. Skupština
2. Nadzorni odbor,
3. Uprava, kao organi upravljanja i
4. Odbor za reviziju

### Član 8b.

Nadležnost Skupštine Javnog preduzeća utvrđena je Zakonom o javnim preduzećima u Federaciji Bosne i Hercegovine, Zakonom o privrednim društvima i statutom Javnog preduzeća.

Ovlašćenja Skupštine Javnog preduzeća u ime osnivača vrše tri punomoćnika.

Punomoć za učešće u radu i odlučivanju Skupštine Javnog preduzeća, u ime osnivača, daje Vlada Tuzlanskog kantona posebno za svaku sjednicu Skupštine Javnog preduzeća.

Punomoćnik iz stava 2. ovog člana ne može biti lice koje ima direktan ili indirektan finansijski i drugi privatni interes u Javnom preduzeću, kao ni lice koje je član uprave, predsjednik ili član Nadzornog odbora Javnog preduzeća.

### Član 9.

Organ upravljanja u Javnom preduzeću je Nadzorni odbor, kojeg čine tri člana.

Predsjednika i članove Nadzornog odbora imenuje i razrješava Skupština Javnog preduzeća, u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine i Zakona o sukobu interesa u organima vlasti u Federaciji Bosne i Hercegovine.

Mandat članova Nadzornog odbora traje četiri godine.

Za predsjednika ili člana Nadzornog odbora Javnog preduzeća ne može biti imenovano lice koje ima direktan ili indirektan finansijski i drugi privatni interes u Javnom preduzeću.

Ostala pitanja u Nadzornom odboru regulisana su zakonom i statutom Javnog preduzeća.

### Član 9a.

Član Nadzornog odbora može biti razriješen i prije vremena na koje je imenovan u slučaju da sam zatraži razrješenje ili da tri puta neopravdano izostane sa sjednice Nadzornog odbora, ako se utvrdi da je odgovoran za nezakonit rad ili svojim radom prouzrokuje veću štetu Javnom preduzeću i u drugim slučajevima utvrđenim zakonom i statutom.

### Član 10.

Nadležnost Nadzornog odbora utvrđena je Zakonom o javnim preduzećima u Federaciji Bosne i Hercegovine, Zakonom o privrednim društvima i statutom Javnog preduzeća.

### Član 11.

Uprava je organ upravljanja u Javnom preduzeću, koji vodi poslovanje i zastupa Javno preduzeće.

Upravu čine direktor i izvršni direktor, koji je broj, nadležnosti, ovlaštenja i odgovornost utvrđuju statutom Javnog preduzeća.

Upravu bira i razrješava Nadzorni odbor većinom glasova, uz saglasnost Vlade Kantona.

Uprava se bira na osnovu javnog konkursa, u skladu sa Zakonom i statutom Javnog preduzeća.

### Član 12.

^ Direktor predsjedava upravom, rukovodi poslovanjem, zastupa i predstavlja Javno preduzeće i odgovara za zakonitost poslovanja.

~ Mandat direktora je četiri godine.

2 Položaj, ovlaštenja, odgovornost i prava direktora uređuje se ugovorom između Nadzornog odbora i direktora.

↳ Izvršni direktor organizuje rad, zastupa i predstavlja Javno preduzeće i odgovara za zakonitost poslovanja, u obimu utvrđenom pismenim aktom direktora.

↳ Mandat izvršnog direktora je četiri godine.

↳ Uprava ima nadležnosti utvrđene u Zakonu u javnim preduzećima u Federaciji Bosne i Hercegovine, Zakonom o privrednim društvima i statutom Javnog preduzeća.

#### **Član 12a.**

U Javnom preduzeću se imenuje Odbor za reviziju, na način i po postupku utvrđenom Zakonom o javnim preduzećima u Federaciji Bosne i Hercegovine i važećim propisima o vladinim i ministarskim imenovanjima.

Nadležnosti Odbora za reviziju utvrđene su Zakonom o javnim preduzećima u Federaciji Bosne i Hercegovine.

### **IV. POSEBNE ODREDBE**

#### **Član 13.**

Osnovni akt Preduzeća je Statut.

Statut Javnog preduzeća donosi Skupština Javnog preduzeća.

Statutom se utvrđuje naročito organizacija Preduzeća, imenovanja, nadležnost prava i obaveza organa upravljanja i rukovođenja u Preduzeću, obaveze i odgovornosti organa upravljanja i rukovođenja u Preduzeću, kao i način ostvarivanja prava radnika u Preduzeću.

U skladu sa Statutom Preduzeće može imati i druge akte kojima se uređuje pitanja vezana za rad i poslovanje Preduzeća.

Akte iz prethodnoga donosi Upravni odbor.

#### **Član 14.**

Skupština Kantona odlučuje o statusnim promjenama, promjeni djelatnosti, firmi o sjedištu Javnog preduzeća.

#### **Član 15.**

Vlada Kantona ima pravo kontrole ispunjavanja javnih interesa i zadataka zbog kojih je osnovano Preduzeće, racionalnosti njegovog poslovanja, namjenskog trošenja sredstava i poslovnog uspjeha.

Kontrola iz prethodnog stava ostvaruje se podnošenjem i razmatranjem godišnjeg izvještaja o poslovanju Preduzeća.

Vlada Kantona daje saglasnost na dugoročne, srednjoročne i godišnje planove i programe razvoja Preduzeća.

### **V. POSLOVANJE PREDUZEĆA**

#### **Član 16.**

Sredstva za rad Preduzeća čine:

- prihodi ostvareni obavljanjem poslova iz okvira registrirane djelatnosti,
- strana i domaća kreditna sredstva,
- strane i domaće donacije,
- drugi prihodi u skladu sa zakonom.

#### **Član 17.**

Dobit Javnog preduzeća formira se u skladu sa zakonom i drugim propisima.

Odluku o raspodjeli dobiti donosi Skupština Javnog preduzeća na obrazloženi prijedlog Uprave i uz prethodno mišljenje Nadzornog odbora i Odbora za reviziju.

**Član 18.**

Osnivač odgovara za obaveze Javnog preduzeća do visine osnivačkog udjela. O načinu pokrića gubitka Javnog preduzeća odlučuje Skupština Javnog preduzeća, u skladu sa zakonom.

**VI. PRIJELAZNE I ZAVRŠNE ODREDBE**

**Član 19.**

Preduzeće će se organizovati i početi sa radom danom upisa u sudski registar.

**Član 20.**

Vlada Kantona će imenovati Nadzorni odbor Preduzeća u roku od 30 dana od dana stupanja na snagu ovog Zakona.

**Član 21.**

Preduzeće je dužno donijeti Statut u roku od 3 mjeseca od dana upisa u sudski registar.

**Član 22.**

Na sva pitanja koja nisu regulisana ovim Zakonom primjenjivat će se odredbe Zakona o javnim preduzećima.

**Član 23.**

Ovaj Zakon služi kao osnivački akt na osnovu koga će biti izvršen upis preduzeća u sudski registar.

**Član 24.**

Ovaj Zakon stupa na snagu danom objavljivanja u "Službenim novinama Tuzlanskog kantona".

**BOSNA I HERCEGOVINA**  
Federacija Bosne i Hercegovine  
**TUZLANSKI KANTON**  
S k u p š t i n a

**P R E D S J E D N I K**  
Skupštine Tuzlanskog kantona

Senad Alić

Broj: \_\_\_\_\_  
Tuzla, \_\_. \_\_. 2017. godine